



Broj: 02-11-14771/21
Cazin, 18.01.2022.godine

Na osnovu člana 70. i člana 69. stav 1. tačka a) i stav 2. tačka i e) Zakona o javnim nabavkama BiH ("Sl.glasnik BiH", broj: 39/14) postupajući u konkurentskom postupku javne nabavke prehrambenih paketa za materijalno zbrinjavanje socijalno ugroženih osoba u 2022.godini, Služba za finansije, računovodstvo i trezor donosi

ODLUKU **o poništenju postupka javne nabavke**

Poništava se konkurentski postupak javne prehrambenih paketa za materijalno zbrinjavanje socijalno ugroženih osoba u 2022.godini u skladu sa obavještenjem broj: 697-7-3-145-3-54/21, te se smatra da isti nije ni pokrenut.

Obrazloženje

Ugovorni organ je pokrenuo postupak javne nabavke - konkurentski postupak na osnovu odredbi Zakona o javnim nabavkama Bosne i Hercegovine („Sl.glasnik BiH“, broj: 39/14), u skladu sa Odlukom o pokretanju postupka javne nabavke i u skladu sa tehničkom specifikacijom.

Ugovorni organ je u skladu sa članom 88. Zakona o javnim nabavkama Bosne i Hercegovine („Sl.glasnik BiH“ broj: 39/14) objavio obavještenje na portalu javnih nabavki broj: 697-7-3-145-3-54/21.

U skladu sa obavještenjem o nabavci broj 697-7-3-145-3-54/21 svi zainteresirani ponuđači su dostavili svoje ponude do dana 06.01.2022.godine, 14.00 sati, a otvaranje istih je predviđeno za 14.05 sati istog dana.

Do roka za dostavu ponuda pristigle su ponude dva (2) ponuđača, i to:

1. “Defter” doo Sarajevo
2. “Alinea SN” doo Cazin

U skladu sa članom 17. Uputstva za pripremu modela tenderske dokumentacije i ponuda ("Sl.glasnik BiH", broj: 90/14) Ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi:

- a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili
- b) cijena ponude je za više od 20% niža od cijene drugorangirane prihvatljive ponude.

U skladu sa gore navedenim, nijedna ponuda ne podliježe gore navedenom uvjetu.

Nakon izvršene analize ponuda utvrđeno je dan ponuda ponuđača „Alinea SN“ doo Cazin nije prihvatljiva iz razloga što isti nije postupio u skladu sa tačkom 4.9. tenderske dokumentacije gdje je određeno da ponuda važi 90 dana, a isti je rok važenja ponude odredio sa danom otvaranja ponuda

06.01.2022.godine. Također, ponuđač nije dostavio OVJERENU izjavu o ispunjenosti uslova iz člana 45. stav 1. tačka od a) do d) Zakona o javnim nabavkama (ovjerena kod nadležnog organa – notar ili organ uprave) - Prilog broj IV, kao niti izjavu o roku isporuke robe koja je tražena tačkom 4.1. tenderske dokumentacije

Komisija za javne nabavke je zapisnikom broj: 02-11-14771/21 od 17.01.2022.godine konstatovala da je ponuda ponuđača “Defter” doo Sarajevo prihvatljiva u pogledu dostavljene dokumentacije, no međutim, Komisija za javne nabavke je istaknula da ponuda ponuđača “Defter” doo Sarajevo nije prihvatljiva u pogledu ponudene cijene iz razloga što ista prelazi procjenjenu vrijednost ovog postupka javne nabavke, odnosno utvrđeno je da je cijena ponude ponuđača “Defter” doo Sarajevo, u iznosu od 31.199,50 KM bez PDV-a iznad procjenjene vrijednosti nabavke (21.000,00 KM bez PDV-a).

Na osnovu naprijed navedenog prijedlog Komisije za javne nabavke je da se postupak poništi.

Kako je Odlukom o pokretanju postupka javne nabavke broj: 01/GN-11-14771/21 utvrđeno da je procijenjena vrijednost postupka 21.000,00 KM bez PDV-a, te da prihvatljiva ponuda prelazi iznos određen naprijed navedenom Odlukom, Ugovorni organ je postupio kao u dispozitivu ove Odluke.

Odluka o poništenju postupka javne nabavke ugovorni organ objavljuje na svojoj internetskoj stranici.

Cijeneći navedeno odlučeno je kao u dispozitivu

Pouka o pravnom lijeku:

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku konkretnog postupka prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu u roku od 5 (pet) dana u skladu sa članom 99. i 101. Zakona o javnim nabavkama BiH (“Sl.glasnik BiH”, broj: 39/14).

Žalba se predaje organu koji je donio ovo rješenje usmeno na zapisnik, pismeno ili putem pošte sa taksom od 10,00 KM, u skladu sa Odlukom o administrativnim taksama i tarifi općinskih administrativnih taksa („Sl.novine općine Cazin“, broj: 4/11).

Obradivač

Šef Odsjeka za budžet
Salkić Jasmin, dipl.pravnik

Dostavljeno:

1. Svim ponuđačima,
2. Gradonačelnik (na znanje)
3. Služba za stručne poslove Gradskog vijeća.
4. Evidenciji,
5. a/a.

POMOĆNIK GRADONAČELNIKA

mr. Đuzelić Ismet